



Potungae Sitetisitika

Ongoongo

22 Tisema 2011

Tohi Kakai Fakafonua 2011 ‘a Tonga; Fika Fakaangaanga

Ko e Tohi Kakai Fakafonua 2011 ‘a Tonga, na’e fakahoko ia he 12.00 tu’uapo, ‘o e ‘aho 30 Novema 2011, ‘o ngata ‘a e tohi ‘o e ngaahi ‘api he ‘aho 9 ‘o Tisema. ‘I he ‘aho ni ko e uike 2 ia hono tanaki ‘o e ngaahi tohi fehu’i ‘o e Tohi Kakai mei he kau ngaue tohi kakai mo e fakama’opo’opo hono ola. Kuo fakaha mai ai ‘e he Potungae Sitetisitika ‘a e fika fakaangaanga ki he tohi kakai ni ‘a e tokolahi ‘o Tonga ni na’e 103,036 ko e hiki fakata’u ia peseti ‘e 0.2 mei he tokolahi ko e 101,991 ‘o e tohi kakai 2006.

Ko e ngaahi fika kehe ‘oku mahu’inga mei he ola fakaangaanga ni;

- Ko e tokolahi 103,036 mei he tohi kakai 2011, ko e toko 52,001 kakai tangata kae toko 51,035 kakai fefine,
- Ko e fakakatoa ‘o e ngaahi ‘api na’e 18,053 he tohi kakai 2011, ko e hiki peseti ‘e 3.4 ia mei he ‘api ‘e 17,462 he tohi kakai 2006,
- ‘I he fakavahe motu, ko Tongatapu pe na’e tupu fakata’u hono tokolahi ‘aki ‘a e peseti ‘e 0.8, kae holo kotoa ‘a e ngaahi vahe motu. Ko e holo lahi taha ko e Ongo Niua holo peseti ‘e 5.2, hoko ki ai ‘a Ha’apai holo peseti ‘e 2.6, ‘Eua holo peseti ‘e 0.8, kae holo peseti ‘e 0.7 ‘a Vava’u,
- Ka ‘i he tohi kakai fakavahe, na’e tupu kotoa ‘a e ngaahi vahe ‘o Tongatapu, tuku kehe pe vahe Kolovai na’e holo peseti ‘e 0.1. Ka ko e ngaahi vahe mei he ngaahi vahe motu kotoa na’e holo kotoa, tuku kehe pe vahe Motu ‘i Vava’u, na’e tupu fakata’u peseti ‘e 2.7.
- Na’e tokolahi taha pe tohi kakai ‘i Tongatapu ni ko e peseti ‘e 73, hoko ki ai ‘a Vava’u peseti ‘e 15, Ha’apai peseti ‘e 7, ‘Eua peseti ‘e 5, kae peseti pe 1 ‘a e Ongo Niua.

Na’e fakama’opo’opo pe ‘a e ngaahi fika ni mei he pepa ngaue ‘a e kau ngaue tohi kakai. ‘Oku ‘i ai pe ‘amanaki, ‘e ‘i ai ha ngaahi liliu iiki he ngaahi fika ni ‘i ha maau hono fakama’opo’opo kakato ‘o e ola ‘o e ngaue tohi kakai.

**Malo,
Government Statistician**

*Issued by: The Statistics Department, P.O. Box 149, Nuku'alofa, Tonga.
Telephone: (676) 23-300/23-913 Fax: (676) 24 303*